



KO TE

## KAHITI O NIU TIRENI.

[MOTUHAKÉ.]

HE MEA TA I RUNGA I TE MANA O TE KAWANATANGA.

PONEKE, PARAIRE, AKUHATA 12, 1921.

*Huihuinga o te Runanga Nui ki te Whakahaere i nga Mahi o te Paremete.*

JELlicoe, Kawana-Tianara.

Ki nga MEMA o TE RUNANGA KAUNIHERA o te Tominiona o Niu TIRENI me nga MEMA i pootitia kia tu ki roto ki te Whare o nga Mangai o te Iwi o taua Tominiona i karangatia nei kia tae mai ki te Huihuinga o te Runanga Nui o taua Tominiona, kia tu ki te Taone o Poneke a te tekau ma waru o nga ra o te marama o Akuhata, kotahi mano e iwa rau e rua tekau ma tahi, ki ia tangata o koutou: TENA RA KOUTOU KATOA.

HE PANUITANGA.

NOTEMEA e tu ana ko te tekau ma waru o nga ra o Akuhata, kotahi mano e iwa rau e rua tekau ma tahi, te ra i whakaritea hei Huinga mo te Runanga Nui: He ahakoa, mo etahi take kua whakaaro ahau kia whakanekehia atu te ra huinga ki te Taite, te rua tekau ma rua o nga ra o te marama o Hepetema, kotahi mano e iwa rau e rua tekau ma tahi, a i runga i tenei kaore he ritenga e tae mai ai koutou ki te Taone o Poneke nei i taua tekau ma waru o nga ra o Akuhata: Heoi e whakahau atu ana tenei ki ia tangata o koutou, ki era atu tangata katoa hoki e tika ai enei aronga, ko a te Taite, te rua tekau ma rua o nga ra o Hepetema, kotahi mano e iwa rau e rua tekau ma tahi, a te hawhe paahi i te rua o nga haora i te awatea a taua ra, me tae tinana mai ia tangata o koutou ki te WHAKAHAERE I nga MAHI o te Paremete, ki nga Whare Paremete, i Poene Tiriti, i te Taone o Poneke, ki reira whiriwhiri ai i nga ritenga me nga mea hei painga mo taua Tominiona o Niu Tireni, whakahaere ai hoki i nga mea e kitea ana e tika ana.

He mea tuku i raro i te ringa o His Excellency te Kawana-Tianara o te Tominiona o Niu Tireni; he mea whakaputa i raro i te Hiiri o taua Tomioniona, i te Whare o te Kawana i Poneke, i tenei te tekau ma tahi o nga ra o Akuhata, i te tau o to tatou Ariki kotahi mano e iwa rau e rua tekau ma tahi.

WM. DOWNIE STEWART,  
Minita o nga Mahi i roto i te Tominiona.

E TE ATUA TOHUNGIA TE KINGI!